

訪板橋林本源園邸有感并序

瀛苑副刊

□張韶祁

編者按：中文系博二張韶祁獲得「第九屆台北文學獎」社會組古典詩首獎，本報特刊載其得獎詩文，以饗讀者。

余嘗三度訪遊林園，園中景貌古秀，有來青閣、觀稼樓等建築群，為臺灣四大名園之一。初，林平侯於枋橋（即今板橋）建弼益館以點收佃租，林園始基於此。清咸豐三年建園邸，其後屢屢增建，至光緒十九年竣工，乃成今日規模。歷時既久，多湮沒隳壞，一九七七年，臺北縣政府始予修復，林園遺蹟乃得保存。唯當年繁華已不復見，樓閣空在，遊其中，徒增悵惘而已。

林花依舊帶香風。今昔繁華兩不同。
幾簇淺深時序外，百年興替感懷中。
來青一展乾坤眼，觀稼常參造化功。
曩日盍簪蹤跡杳，徒留滿日落霞紅。